

永順縣志卷二十七

縣人 文 琴 張 孔 修 編 纂

人物志第九

自古中州恆鍾淑氣誰謂邊陲而無人瑞或抱忠貞或稱孝義或具慈祥或工文藝或仕廟堂文經武緯或肅閨門成名遂志古鈔韻書千秋沉鬱幾經摻羅人不求備譬彼梗枿皆棟梁器擣藻揚葩芬芳載記志人物

人物一

○○忠貞

五代

彭斌江西吉水人徙上溪州仕唐為檢校司徒辰州刺史梁開平四年吳敖駢圍赤石城調所部征之被執不屈遇害楚紀

彭師曷一名師杲嘗為富州別駕

溪州銅柱題名 溪州諸軍刺史湖南通志

辰州刺史

宋路振九國志 晉

永順縣志卷二十七

人物志 忠貞

天福中其父士愁以溪州叛楚王馬希範遣將討之師曷降

五代史通鑑

楚人惡其獷

直希範同母弟希廣獨憐之以為強虜指揮使常欲為希廣死

楚紀

漢乾祐二年希範薨

希廣立其異母兄希萼為朗州刺史來奔喪希廣以兵迎之止於碧湘宮希萼奮然去

引兵下湘鄉至長沙屯水西希廣將劉彥瞻許可瓊屯水東師曷登樓望水西軍入白

希廣曰武陵兵驕雜以蠻蠻其勢易破令可瓊等陣山前臣以步卒三千自巴溪渡江

趨嶽麓後夜擊之希廣以為可而可瓊已陰送款於希萼遂沮其議明日師曷詣可瓊

議事瞋目叱之曰視汝反文在面豈欲投賊乎拂衣而出急白希廣請殺之希廣不聽

五代史 師曷退而歎曰王仁而不斷敗亡可翹足俟也朗兵攻城師曷戰於城東北隅

可瓊舉全軍降長沙陷

楚紀

希廣為希萼所縊殺

五代史

希萼弟希崇率將吏勤進師曷投

梁於地大呼請死希萼歎曰鐵石人也赦而不殺師曷遂葬希廣於瀏陽門外

通鑑輯覽 ○案

宋陸游南唐書載後漢乾祐三年十一月彭師曷葬馬希廣於瀏陽門外所紀更詳贍

希萼自立楚舊將徐彥威等劫庫兵縛希

萼迎希崇立之

五代史

初希萼入長沙師曷雖免死猶杖背黜為民至是希崇以為師曷

必怨之使送希萼於衡山

通鑑輯覽○案南唐書載周廣順三年希崇執希萼囚送衡山

俾甘心焉師曷歎曰留後欲

使我弑君耶吾豈爲是哉至衡山與廖偃護事甚謹遂築行府奉希萼爲衡山王請命

於南唐南唐主李璟爲出師定楚亂希萼遂入朝偃師曷俱從行

南唐書○案陸書南唐原作金陵李璟原

作玄宗

環嘉師曷之忠以爲殿直都虞候賜予甚厚子允祿以廕爲保靖安撫司祖子

孫世襲

楚紀南唐書乘

然則彭氏雖溪蠻乃馬氏之忠臣歟

清王世禎池北偶談

明

田菑田豐均永順土官

王鴻緒明史葉湖南土司傳○案一統志誤以田菑爲永順土司詳刊譌

世宗嘉靖三十四年倭寇東

南都司李經率保靖兵追倭至新場倭二千人伏不出保靖土舍彭翅引兵探之中伏

與所部皆死

明史保靖宣慰司傳

時菑豐亦爭入爲所圍皆死之

永順宣慰司傳

清

朱芝智辰州把總乾隆六十年征苗匪陣亡嘉慶八年奉文入祀昭忠祠

唐志○案通志作朱之智

何宗源保靖營千總亦征苗匪陣亡嘉慶八年入祀昭忠祠

唐志

永順縣志

卷二十七

人物志 忠貞

一一

宋吉如嘉慶初從征湖北來鳳教匪以功補永順協千總賞戴藍翎並給銀五百兩八月

勦指甲坡餘匪隻身陷陣以衆寡不敵遇害後以孫顯揚貴地贈武德騎尉

宋氏家乘

張應宗九溪營千總黃文珍湖北均房營千總劉洪升襄陽營千總秦天位衛昌營外委

嘉慶初並征教匪陣亡

通志○案通志黃文珍誤作黃文均而劉洪升襄陽營千總縣志作鄖陽鎮千總未知誰誤

彭光明把總湯洲南外委咸豐元年光明在浙江衢州陣亡洲南在浦口陣亡均議卹如

例子世職

清羅汝懷湖南懷忠錄○案縣志作同治元年

任大貴古丈坪人父世泰本籍澧州以卒伍從征金川有功得武職乾隆六十年紅苗之

變隨大軍進勦轉戰三廳古丈間甚爲出力嘉慶四年補古丈營左哨千總未幾卒遂

家古丈大貴生而材勇有父風補儒學武生

古丈志

入伍拔補把總遷保靖右營千總道

光十二年從征逆裔趙金龍賞藍翎尋勦廣東連州裔升鎮溪營守備調晃州守備擢

四川綿州營都司二十年調征廣東有功遷貴州上江協遊擊歷署朗洞台拱黎平參

將二十九年李元發反新寧未幾竄貴州大貴率兵扼空洞元發不得入詔換花翎升

洞營參將咸豐元年調勦廣西金田賊二年七月賊犯長沙率黔軍堵省城南門外八月二十二日賊大股至自郴州總兵官秦定三和春知府江忠源迎擊大貴率隊為前

鋒甫偪賊營礮創左臂死年六十一事聞贈副將銜廕卹如例予世職咸豐三年九月初四日上諭云

所有中礮傷亡之貴州朗洞營參將任大貴奮勇捐軀殊堪憫惻着部從優議卹子萬年古丈坪營外委行本營把總事從征

廣西桂平先大貴一年死卹如例湖南襄忠錄

黃河清家清王村把總士位之二子也士位字素菴原籍淑浦仕永順因家焉咸豐二年

粵匪擾楚士位奉調赴道州援家清從軍賊縋石傷士位家清以身翼免復援長沙河

清繼至士位在圍城中八十日而家清竟以傷重卒士位復率河清赴鄂省屯黃州時

桑植土匪內訌大吏檄士位歸援河清因誘殺逆酋李天勝轉戰至二虎谿遇害事聞

得旌卹如例都人士為詩歌成集成稱士位教子有方能移孝作忠云唐志武職宦績

有黃素菴戎府兩賢嗣先後殉難記古之忠能報國孝不辱親者載在簡編流傳里巷昭如也故或一節可傳寸善足錄尙論者表揚其德又必溯其德之所由成况一門之內忠孝競爽尤古昔之所難願易求之近世哉咸豐辛亥余以謁選留京師適粵匪猖獗竄楚甸踰衡嶽犯昌浦出瀟湘旅邸奮發嘗與都人士詢察匪情及我軍聲容之盛適客有自

永順縣志 卷二十七 人物志 忠貞

南來者述及道州一役殊激名區大都州守禦惟黃公素菴一軍兵不過數百糧僅支旬嶽麓其餘師貞專閩皆幹衛名區大都州守禦惟黃公素菴一軍兵不過數百糧僅支旬餘公以速戰為利於是振桴鼓厲甲兵時次君志齋年未及冠忽侍行間遂陷公猶賈勇力圖恢復而重圍愈密幾至不能渡河時次君志齋年未及冠忽侍行間遂陷公猶賈勇無應卒以獨挺重身沒於軍中遠聞之連募素菴有賊子未嘗不私心嚮往欲遇其人願安得風從往卒以獨挺重身沒於軍中遠聞之連募素菴有賊子未嘗不私心嚮往欲遇其人願安得風暇末以訪識之於萬人未幾余奉委掌西門之大管一日登陴見據鞍驂桑梓從容劍帶者叩其官閱乃黃公素菴也晉接之會歡洽如平生是年秋余適將風始信有命遂別公洩是任未踰時知耶不謂起變連九節公以愈奮當斯事者以入賊穴激公事投袂遽起慷慨無難色時家君仙源侍請代父行意謂焚巢殲賊紓國難而代親勞也爰策輕騎是時也山河為賊首於山壘間功甚偉矣卒因軍令訛傳隨從忽散獨木難支豪傑殞命當是時也山河為賊首於山風雲為之變色蓋見危致命之士爰有綜其實蹟播為詩歌為公道弔慰者乎居過從公每平久公與余仍同司舊治鄉之士爰有綜其實蹟播為詩歌為公道弔慰者乎居過從公每出卷軸訪於余求仁得仁夫復何憾至於大德報代有命遂別公洩是任未踰時乎其成者非余所敢知俾世之為庭訓者式焉是為記見黃晉洛子之忠孝與公之能教後子難子秋後因以誌感佩刀海濤飛立征雲高嗟吾志離年矣拊將父出噴庸憚勞道州有奇男傳秋水橫腰雙佩刀海濤飛立征雲高嗟吾志離年矣拊將父出噴庸憚勞道州有父賊烽燭聲兀雲梯行吾且死子言盜死兒不念孤軍當泣天欲黑叱咤風雲都變色卞壺

醜易收傷吾親手刃虜頭城北突圍絕下勢倉皇泥塗荆棘尤郎當以身負父行且止
千生萬死來瀟湘湘城之危若累卵花柳鶻眼生風火見賊愈多身愈輕已甘馬革將尸
裹此際仙源荷戟來蓋棺與骨不勝哀子弟行役今若此那堪目斷戍于酸辛霏雨雪
弱冠旋待征鞍入襄漢水冷冷湘水波鳴咽原歌急難鐵衣遠戍久酸辛霏雨雪
作歸人歸方匝月羽書告急老謀卓職舊知名上峯借箸重端征直入虎穴探虎子解律
斗正凄清桑邑狼烽連告急老謀卓職舊知名上峯借箸重端征直入虎穴探虎子解律
年少奮先鳴從古立功人所忌英雄况復懸危地肯以醜遺君親榆有弟有弟尚童穉
兄先後各捐軀不數當年所與肝劇憐萱草北堂哭椿枝又復嗟桑榆有弟有弟尚童穉
有妹有妹方待字一家骨肉痛縈心魂歸來今盡留意昔兒時昆仲長美好蘭摧玉折竟
強或跳地上作彪虎或采蠟珠成鳳凰一別十年音問少私幸吾弟長美好蘭摧玉折竟
如斯淚灑西風夢春草人壽幾曾到百年克全忠孝即小醜驚臨危知有父赴義信難兄
圖凌煙 嘉定張修黃氏兩孝子詩江水重圍合山城小醜驚臨危知有父赴義信難兄
大節全忠孝榮名重死生泉比應愧此愁唱董逃行 羨爾家聲壯天題綽楔春爭傳死
綏烈亟感望思人薄海愁戎馬蠻語劫塵據鞍知矍 鏢祝與畫麒麟

姚大典咸豐元年由永順協外委從征廣西拔補鎮守把總嗣隨提督向榮轉戰湖南北

江南補沅州協後哨千總三年七月勦賊鎮江進攻欄木關爭先踰濠斫賊柵受礮創

八月十三日卒大典臨陣迅發如鷲鳥搏攫賊當之輒辟易約制士卒行列肅然向榮

甚倚毗之殉難後以千總未奉剗照把總議卹予世職湖南襄忠錄

彭占先咸豐三年由把總從征髮逆於湖北黃州陣亡議卹如例湖南襄忠錄

永順縣志 卷二十七 人物志 忠貞 四

魯天秀外委咸豐五年八月二十日隨攻賊漢川紗帽山陣亡湖南襄忠錄

伍德欽由行伍出身保都司銜儘先守備補河溪營把總尋以事開缺再赴貴州復字營

投効在都勻攻勦苗匪陣亡給予世職古丈廳輯略

楊得功咸豐五年投効安徽水師營以石城蕭磯等功保外委後攻安徽省城陣亡准予

雲騎尉世職

張順和咸豐中洪秀全據南京順和從軍攻克之以功賜昭武都尉賞戴花翎儘先遊擊

貴州定廣協左營都司旋因苗叛欽差大臣田心恕經略貴州軍務調順和從征六年

十月戰賊三星橋背水為陣殺傷甚衆俄苗兵大至衆潰力絀猶與同僚二人奮勇衝

突手刃苗酋數人誓死不退終以衆寡不敵均死之當時土人謂三將者天上將星當

於三星橋盡忠也事聞詔贈順和昭武都尉子孫世襲子君錫有傳詳仕蹟

黃中興由武童投効貴州軍營以疊次殺賊功擢把總咸豐八年六月在都勻府屬之羊

安地方陣亡議卹予世職古丈廳志

應志

案中興古丈坪人古丈毗連乾鳳生其間者大半秉性强悍樂於從戎其前後捐軀報國者甚夥雖事迹不可攷而姓名尙赫赫人間有在寧遠陣亡者則爲六品軍功之蕭長順有在安徽蠻池從鄧忠武殉難者則爲藍翎守備之謝永華在湖北黃州斗城戰死者爲永順協標之向方得而出師九江之尹長興視此若把總則有奉調防長沙之李長發從征九江之聶萬英從征廣西之楊仲選外委則有江西樟樹鎮陣亡之向明友李金彪劉得昌濠梁陣亡之高其升廣西陣亡之劉得升皆係咸豐時人故撮集于此

蕭勝南咸豐元年由行伍從征廣西攻賊於永安州紅廟以斬馘功給六品頂戴明年賊犯桂林勝南守文昌門數絕城出焚清江與得月樓諸賊巢前後斃賊數十名賞藍翎三年正月隨援江寧駐城外七堯橋斬賊酋一補河溪營額外旋戰賊雨花臺洪武神策朝陽諸門皆斬級奪械以功授綏靖營外委遷澧州營把總六年隨解金壇圍擢守備進軍漂水戰賊小茅山受重創復賞換花翎八年春隨援淞江復壽昌武義諸城追

永順縣志

卷二十七

人物志 忠貞

五

北至福建延平建寧浦城皆大捷擢都司旋升遊擊九年提督周天培調赴浦口十月二十七日夜漏三下賊突至戰不利死之詔視遊擊例議卹予世職

湖南襄忠錄

彭成興虎威營勇丁咸豐九年石逆犯寶慶隨副將田興恕馳援戰賊七架坡獨奮勇突其堅隊斬級而出賊不能傷也是夜興恕令壯士八百人襲賊白羊埔擲火彈焚其營賊悉衆出戰成興復橫槊衝入手殪數十人賊大潰以功超授藍翎千總加五品銜十年從援貴州勦逆賊於印江先攻楊家坪轎子嶺諸賊巢平之擢守備賞換花翎尋攻捲子坪賊弗結貓貓山賊數萬圍我軍成興躍馬突陣殺賊十餘各營合力衝蕩斬其酋斃賊千餘奪獲器械無算擢都司是冬徙駐定番州十二月二日進攻雉兔墟中伏

力戰死之奉旨從優議卹

湖南襄忠錄

楊本瑚保靖頭司把總咸豐十年四月在臨淮關營積勞而卒

湖南襄忠錄

張賢忠咸豐中投効貴州累功至虎威軍前鋒副將陣亡無嗣

符順興咸豐八年投効統帶楚勇虎威軍田心恕部下十年石達開竄擾永祁新武等處

在事出力以千總加守備銜十一年在貴州思安府勦賊陣亡詔給雲騎尉世職
向二邦咸豐中投効貴州累立戰功歷保副將銜授鎮遠遊擊勦匪陣亡土人憫其忠烈
爲立祠塑像祀之

例

湖南襄
忠錄

徐有壬把總充義從營哨官同治四年從征逆苗因偵賊竟夜疾行還營咯血死議卹如
王福山咸豐五年由義勇從征江西安徽各省保遊擊銜同治八年六月八日在貴州都

勻府屬之羊安地方勦賊陣亡議卹予世職

古丈廳
志輯略

彭尙安咸豐中投効霆字營屢功至提督銜同治九年從征江南歿於陣議卹如例

蕭長□咸豐中由行伍調任水師營營官同治中直隸總督曾委督標中軍都司光緒初
陞遊擊駐紮海口十二年以參將用十七年以勦平潮陽匪亂功擢河間副將加總兵
銜二十四年以積勞成疾七月十六日卒詔贈建威將軍入祀昭忠祠

民國

永順縣志

卷二十七

人物志 忠貞

六

彭武安清宣統三年襲土司拖沙喇哈番世職家居辦團多年匪鄙畏之民國六年匪朱
雲五率百餘人由上榔竄入內龍武安統壯丁截擊相持甚久匪鄙受傷頗衆而壯丁
死者亦十餘人卒因外援不至力竭遇害

楊翊漢少習小兒醫並精符咒無論貧富造請靡不盡心醫治民國來匪盜橫行地方紳
耆推爲團防管帶五年匪衆突入巖盤溪擒去進德小學生一名翊漢時休息於家聞
警卽率家丁尾追至中途又遇別股匪與戰中彈斃命

曹文龍原名恢璧民國三年入川上書尹昌衡督軍擢爲營長五年以征打箭爐功陞團
長旋奉劉督軍命進勦蠻王韃賴復平逆賊陳步三晉旅長七年因戴康之戰與賊鏖
戰黃龍溪奮勇當先敵彈傷胸陣亡

王文模世居陽鳳山下因地方匪爛日熾乃鬻田產購鎗枝募壯丁創辦警務分所於羊
峯城民國三年大庸匪羅曙霞李致和等率大股匪衆至文模單身與角彈罄遇害
事聞督軍譚延闓照警察官吏陣亡例優卹給葬費洋二百圓遺族卹金五百圓並獎

忠義堪嘉額弟哲臣民國五年道遇匪被害

鄒忠遂湖北陸軍小校畢業民國三年任羊峯城警務分所所長常擊斃匪多名匪深惡之五年分所解散遂潛藏六年正月避地龍邱突被匪擒罵不絕口匪割其舌曳至陽鳳山支解以祭匪墓時政府多故壅于上聞未獲照例褒卹鄉人哀之

鄒治廣羊峯城團紳民國五年奉知事曾鏡心命會同警備長鄭某協勦匪匪伴敗登山鄒尾追之治廣由側面抄擊至大可坪遇匪卒與戰中彈斃命局旋被焚當經知事詳報巡按使劉獎以高義可風四字匾額照卹如例

楊忠武乳名二貴任俠使氣疾惡如仇民國五年以後匪盜披猖忠武爲遊擊隊長善以少擊衆嘗偵知某地多匪路隔百餘里帶壯丁數人星夜趨至趁匪不備破其窟穴梟其渠魁不下數百人遠近伏莽耳其名莫不膽落卒死于匪又有覃龍山者善用槍彈不虛發每遇大股匪至密伏要害稔識其爲匪首始鳴槍未有不斃者其勇敢與忠武埒省政府嘗傳諭嘉獎而龍山亦死於匪論者咸惜之

永順縣志

卷二十七

人物志 忠貞

七

彭德佑勇敢士也所居白砂之浪材與龍山撇挪枯毘連其地多匪民國八年龍匪嚴吉安率黨二百餘人突至浪材聲勢汹汹德佑鳴鑼鳩衆得廿餘人各持槍械遏匪於村旁相持約三句鐘匪漸逼近德佑乃棄槍拔刃直前斫斃數人傷者尤衆其身亦受重創卒不告疲會對山寨援兵麋至匪遂四竄事平德佑因傷重不起團民哀悼爲醮金以葬並卹其家

李可忠民國十年爲北河聯團管帶歿於火綫請款撫卹入祀烈士祠

團紳被害者內塔臥文生張揚杰家居夜半被匪暗殺內龍保田光浩死尤慘嘗送子女避匪外家半途遭匪從肩輿中摔下亂刀斫斃並火其屍擄其子女團丁聞警疾追之迺棄去其子女始得生還

死難兵丁民國五年在龍家寨被川匪害者爲王榮漢屠宗宇李順宗劉開福王國榮宋秉華嚴欽亮向永陞潘宏明內外塔臥則有張家墩劉四裁縫崔裁縫董玉卿皆勦石提西匪陣亡者又符文峯死于車坪劉清池死於楠木溪內龍保團丁先後死公者爲

王敦武鄭松林唐思聰王復生向永範向永銜向永珩向永桓向熙富彭善選上榔保鐵沙枯保衛團丁拒匪死者爲田玉亭田玉卿彭松卿田苗子壯丁爲鄭百勝彭瑞卿

○○孝義

清

魏國仕性篤孝父先治物哀毀幾不起雍正六年營葬於太平山巔鑿石畚土工役日百餘人需水則往汲山下大河登降十餘里不堪勞瘁山巔舊有智井國仕就其處號泣拜禱久之泉水湧出朝夕取汲不竭湖南志遠近觀者如堵同知田易名之曰孝感泉府志

王世茂父維舜久病嘗糞以驗差劇醫藥不效復刲股以療之尋愈通志

田宇家貧事親誠孝母石氏患心疾每發痛不可忍輒欲自盡宇偕妻龔氏護視維謹乾隆四年二月四日母病復發負痛趨出宇覺急尾之行而母已投水矣飛流急湍春漲頗盛宇躍入援逾時母爲游波推近岸衆拯之得生而宇力竭竟溺死龔哀慘欲身殉翁姑力勸止之宇尸既獲不能棺殮鄉鄰賻之既葬並勒石誌其事通志

永順縣志

卷二十七

人物志 孝義

八

匡士奇家貧業擊絮父蚤卒兄士相有妻生三子士奇不娶獨依母居每出傭甫明卽起備薪水肴蔬置竈側然後入白母去及歸則詢母飢飽寒溫其出傭率不越數里未嘗一宿外慮母岑寂也主人授食有佳味必懷歸遺母歲以爲常初嗜飲酒一夜醉歸躓於道泥濘沾衣履母詬之遂止不飲母年八十餘卒士奇時亦六十矣居喪哀禮兼至婦孺皆稱曰匡孝子通志

賴長泰字履安兄長春卒無子嫂誓守節長泰卽以次子永松爲兄嗣以成嫂志旣而已子死自安孤獨猶拮据爲永松婚娶俾嫂得有子婦之養以慰苦節里鄰稱頌之通志

唐承元府志原籍會同改土初子身至永居內龍保之撒步車傭田爲業稍暇則伐薪

爲炭久之積貲置田產遂往迎父母及弟承龍承儒皆挈妻子至其居焉或勸承元娶曰是不令吾有弟也今家獨我創倘娶婦不賢從而校量其間兩弟將焉置之卽爲後嗣計弟子猶子也奚必已出乎終不娶而以承儒中子守清爲嗣又彭登山父母俱蚤歿有弟三人皆幼登山時年二十生子一而妻亡誓不再娶蓋恐於諸弟或有妨亦卽

承元意也鰥居數十年撫諸弟並成立

志通

劉樹屏與弟樹芹樹藻皆誠實有孝弟行父某嘗運柁木泊溪干夜雨溪漲父恐失木晨率樹屏往視時木已半淹父挽木墮水樹屏隨援弗及並死焉樹芹方臥病聞之急起偕樹藻往見父尸浮湍水中並舁入共援之樹芹復溺死樹藻爲急溜搏枯楂上得免久之父尸亦湧至乃拽而出

志通

熊兆渭其弟兆周兆侯皆諸生兆周貧甚兆渭與兆侯並割產予之又蕭作聖監生弟相聖子女繁衆無生計作聖時有田數十畝乃盡以畀之艱苦自食至窘乏無悔

志通

王文星少失怙事母孝母嗜鮓日供具無間母年九十餘瞽且痿文星亦七十矣寢興則掖以上下牀出入則負以走母物哀毀幾滅性見者憐之

志通

全志尙諸生父母性剛卞稍違輒予杖志尙順受之母物廬墓三年日讀喪禮無輟一夕方展卷忽虎嘯墓側遠近聞者皆震恐志尙讀如故移時虎去

志通

陳九發事嫡母劉甚孝一日隨劉樵山中遇虎攫劉爪及其肩頸九發以身捍劉執樵刀

永順縣志

卷二十七

人物志 孝義

九

斫虎去扶歸旋以創劇卒九發慘痛幾不能生時年甫十四也

志通

王光安父蚤物家貧力田奉母母卒其墓與門對距家僅里許初有叢樹間之光安卽盡伐樹每食必先對墓跪進時節則以酒饌往奠哭泣哀慘聞者感動

志通

吳本德幼喪父事母曲承意旨其舅家貧母嘗欲鬪之未言也本德卽以田數十畝畀之舅族更多貧者本德亦饋遺不絕

志通

鍾祖德事母孝養曲至或有故外出雖夜必返母物哀毀逾節未幾卒

志通

王述賢初家貧獨身力作久之積數千金竟以父命與諸父均分之父物有弟五人俱幼身任其婚教迄析產推肥取瘠鄉里稱之

志通

呂名賢父病躬待藥膳歷九十餘晝夜不懈父物以哀喪過甚咯血死時年二十一

志通

杜先全兩歲失怙家貧力作奉母每食甘旨未嘗缺母偶病不食先全亦不食夜寒必爲溫被俟母熟寢然後寢

志通

宋士超諸生家貧授徒自給弟士擎物其妻女數人皆倚以爲養性狷介知縣方壽康時

其空乏饋以粟不受

通志

張有松有再從叔如鈞妻蚤物遺一子二女債累數千金未幾如鈞病篤以家事屬有松有松許諾如鈞尋卒有松爲經紀十餘年弟妹婚嫁畢於是會宗親按計簿視如鈞舊產已增三之一盡歸諸其子而已無少私焉

通志

田文秀武生事母孝嚴寒酷暑倍加敬謹母年八十餘文秀亦年六十常嬉戲母前以慰

其心

通志

彭應亨幼孤事母孝家貧傭工以給衣食母老不知飢寒先意侍奉藹然孺慕

唐氏縣志

傅金榜兄金道弟金周金周物遺子四貧甚金榜以己田分畀之復慮其子異時必爭迺

預赴縣署存案知縣秦廷杰以友愛可風旌其門

唐志

楊名遠諸生少孤事母田氏孝謹弟名選幼母鍾愛焉名遠家貧舌耕爲業以餘貲爲弟婚配並分產給之及弟物其婦無依名遠使子本元本亨養之以終其身

許光治古丈坪人母早寡光治最孝家貧投營得丁糧悉以奉母母老病哽凡寒煖溫清

永順縣志

卷二十七

人物志 孝義

十

皆和顏怡色先母意爲之母物倚廬盡哀遺產悉歸兄兄無嗣以長子繼之人皆稱焉

府志續編

陳正義幼孤力田奉母母性卞急少拂意輒怒正義曲承不敢違待弟亦友愛

府志續編

王大任少失怙事母孝每夜必待母臥始歸寢兄弟五人析爨後以第五弟幼復同居教

誨成立

府志續編

陳大煥幼失怙恃孝事繼母吳吳物撫其子大沅成名

府志續編

張光彪母卽病侍湯藥維謹同治五年訓導焦福申嘗爲之請旌以端風化

案光彪有割股療母事府縣志皆削不書豈僞也哉蓋割股割肝是爲愚孝恐其傷生卒虧大道故不如取其庸德以示世之爲人子者

袁懷玉事母以孝聞同治八年知縣胡啓運旌其門

府志續編

邱方陞業儒父病劇所需藥難得力求以進知縣薛超文旌其門曰永錫爾類

府志續編

杜順之古丈職員練習時事同知譚震恆倚重之道光己酉歲飢民苗譁然順之請開常

平倉賑之全活無算九子三婿皆武職四子大定貴州知縣五子健元本營千總九子光佑把總貌魁梧多力嘗負母避寇行萬山中咸豐十年健元入都引見光佑從行返至漢陽健元墮水中光佑躍入援之隨流上下舟人掇之皆免於溺光佑勞悴甚歸至家卒妻黃氏永順協把總士位女亦相繼物遺子女三健元兄弟撫育之古志

志唐

田炳奎外塔臥人年十三母王病篤刲股療之尋愈學使張預表其門曰馨媿黃童後數年入泮病故其母今猶健在

左福永順協兵也事母孝然性剛直遇不平事輒忿然爭人雖勸解之不顧惟聞母叱聲立止嘗從長官赴省臨行時置几堂中扶母坐其上再拜之而後去及歸亦然母物後祭奠事之如生且伏地祝曰母嫌兒性剛恐釀禍釐患今痛戒之母庶無死後之憂也

永順縣志

卷二十七

人物志 孝義

十一

謝爾庸廩生弟天池天泗均諸生爾庸事親孝處兄弟亦友恭知縣孫翹澤嘗獎孝友可風匾額爾庸謙讓未遑訖未懸掛

楊宗敬父蚤故母氏藍病神經慣詈人宗敬委曲事之其舊氏某唆其母訟宗敬於官宗敬跪皇堂俯首泣無一言官察知其孝釋之無怨言孝敬如故弟宗敏貧甚常撫卹凡養母及葬祭皆獨任不與較行年八十八無疾而終

何繩燮字理卿事親孝先意承志務得老人歡心其妻熊嫁貲頗豐悉奉父母不蓄私財以兄繩燦食指繁父母恆爲之慮析居時盡以腴田華屋讓之鄉人常稱道不衰

張利春下吏部人父亨勝母梁氏生子三利春其中子也娶餉塘坪袁氏女遂徙居焉家中田地約值千金概讓與兄弟爲供養父母之用夫婦勤苦恃身家用小康既而父病母瞽兄弟家漸落迺迎養父母於家生事竭力死葬盡哀又因兄弟均孤貧無依復召與同居以終其身和翁之風鄉黨稱之

彭文壘字翰藻對山寨附生嘗於距家里許建攀桂書樓一棟教育人材成就頗衆父蚤

世事母嚴氏孝妻嚴氏失母懼文堦屏之別居數十年在母前未嘗通一語懼拂母意也每日課暇必歸省終母身無異

彭萬林家極貧常忍飢奉母每得甘旨從不自私歿後數十年鄰里尙稱其孝不輟

樊友謨性篤厚壯年喪妻子女俱幼或勸再娶不聽處兄弟尤敦友愛析爨時諸昆仲爭攫良田沃土友謨獨退讓無言卒因勤儉致富爲一鄉稱首歿年七十八歲子生梅文庠生

向開選善事繼母至老不懈待弟友愛其貧困者時時仗助之壽八十一歿

向天秩事繼母田以孝稱田嘗病篤刲股療之愈事聞得旌歿年三十七歲妻童氏守志

光緒甲辰學使支恆榮獎匾額曰柏舟自矢節孝萃於一門閭里咸稱之

李官忠道光己酉歲大饑家貧米翔貴其母孀居常憂餓殍官忠不得已賣妻以全母里人咸稱其孝

張公明元字子惠母蕭蚤故事繼母田孝敬不衰弟明典武庠生田出也知母雅不愛兄

永順縣志

卷二十七

人物志 孝義

十一

常幾諫焉公妻向文生萬鑑之女向氏富甲一鄉當于歸時奩資頗豐悉歸公以博母

懽每值服勞弟婦王輒爲均役故得底豫如初光緒癸未大饑道殣相望減價平糶者

數月全活尤衆卒年六十五歲子三次卽吾友孔修也

契晚田必東傳並代填諱

彭樹宙性明決善談論尤喜解紛凡遇疑難事衆口噤聲樹宙至一言立解其父世文最

謹厚數爲同里董世賢較轢樹宙時年少無如之何稍長自詈曰樹宙而忘董世賢之

辱而父乎對曰不敢忘世賢聞之恨刺骨藉他事隸樹宙於獄者三年子明璇甫九齡

痛乃父冤訟世賢縣府署凡百二十有六紙卒不得直乃之鳳凰控道署道憲憐其幼

且孝也飭府縣出樹宙於獄久之樹宇父子禽世賢反繫其手以刀礪其頸曰若不悛

若頭顱立斷世賢長跼求免死且許締姻好釋之既歸人或言樹宙輒股栗心膽俱裂

齒戰有聲卒以此斂戢不復肆毒閭里明璇相父復仇時年僅十有三人尤以孝目之

母向氏病危割股療之病良已族有新楠新書者值歲稔均擬鬻妻以自存明璇察其

無他故各給貲俾爲生理夫不斬祀婦不失節皆其德也子新杠縣學生員

李正傳字薪垣性至時孝幼母病垂危籲天請代自恨無術醫治以頭觸柱血流滿地光緒初入泮父歿廬墓期年善毀髡然骨立服闋以第一名補廩膳生母病久不愈飲食起居必躬親之時年逾五旬猶戀戀作孺子慕母卒哀毀廬墓如父喪侍郎吳樹梅手題笙譜循陔四字以額其閭並爲請於朝准以孝廉方正歸部注册正傳體羸多病自總角就傅已得咯血疾因學醫精其術爲人療疾報病者尙嘵嘵未已而方已繕就然亦無不立愈蓋熟能生巧也時與杜盛際賴寶臣稱三大名醫應府縣各官諭勸辦公務數十年兢兢以廉介自矢恭生局之創辦亦與有力焉後因送生徒院試歿於縣城歸葬於鄉年六十有三

向忻世字健菴國椒長子同治甲戌歲貢性孝嘗患痘症鬱鬱沈屯不知人事母黃病歿痘愈而母已葬悲痛幾不欲生以未獲侍湯藥親含殮也往往作爲詩詞寫其孺慕後丁繼母劉喪哀逾所生其父晚年又娶宋氏不慈忻世順令勇從以尹伯奇自矢及父歿又爲宋母豐養贍以終其身清末停科舉宣統辛亥年八十有二例應重游泮水適

永順縣志

卷二十七

人物志 孝義

十三

觀察朱文貞公巡邊至永贈以詩云誰道龍溪是互鄉歸然尙有魯靈光青氈黃卷傳家學白髮藍衫映夕陽八十老翁重入校三千博士孰同堂邇來鬢序無遊處歸老春芹自舉觴和者甚衆時人榮之卒年九十有一弟常世

常世字典齋年十五佐父理家政以成兄弟誦讀功及兄忻世弟德暄均入泮父喜謂之曰汝兄弟成名汝之力也異時析產當多給百金以酬汝勞力辭不受久之弟名世及妻謝相繼歿子女均幼常世以家事付子道堃躬撫姪男女十年逮婚嫁畢始還其友愛老而彌篤宅距長兄家數百步每五日必扶杖往候起居時比之溫公伯康云唐香施溶溪人父蚤故母孀守香爲人傭得工費不妄費每逢主人餉肉不食取己分應得者歸以遺母從不留宿於外否則詰朝必疾趨至家問母安否並爲道其羈留之故人以孝稱之

向洪品其父歿時與弟洪發俱幼母孀居撫之洪品十歲爲人牧錙銖不妄費悉以供母洪發長亦爲人傭得錢則日肆飲博不一念及母其性情相反如此母年衰目疾潰爛

洪品朝夕爲舐洗不怠傭於人主人餽肉留而不食主人問故則答以遺母主人以爲孝爲建茅廬舍旁移其母居之俾得朝夕盡孝養母歿後不爲人傭或問故曰昔有母不得不服役以供養今無母矣耕耘可以自給何傭爲遂以農事起家五旬餘始娶妻生子大鵬家日有起色弟老而大困求濟於兄洪品恒周之

汪繼義長官寒人家貧弱冠未娶叔某業縫紉稍有蓄積年逾五旬恐自娶難必有後因爲姪娶妻越數年有子女數人叔亦漸歸老境繼義夫婦疊請來家奉養久乃至服事懇勸叔患背癰濃液沾汚臭惡逼人夫婦吮舐澣濯無厭一日暑夜露坐叔思陳橘繼義謬應之曰食物有時非可常致也彼此默然就寢詰朝繼義趁叔未起急入山斫柴擔賣由施溶碼頭轉至王村果買得陳橘一枚趨還家奉叔叔笑且訝曰汝昨夜云無今從何來也徐應曰兒從王村購來昨恐不得累老人懸想故云然耳叔曰胡不告曰此去王村五十餘里叔慣愛兒恐阻其行且得否未可預料故祕之其能養志如此

民國

永順縣志

卷二十七

人物志 孝義

十四

王廷賡字獻臣少嗜學穎悟異常見積學士尤親如手足家饒財凡慈善事罔弗竭力爲之常思顯揚祖德手輯族譜一書攜至省垣擬付手民忽遭兵燹悉成煨燼識者惜之祖母謝氏節孝坊獨力創建可見孝心一斑焉卒年六十有一子時軍官生民國八年已仕至團長季子丞標亦知名於時

黃道誠內龍保人民國辛酉匪衆卒至擒其父黃四去道誠與兄各執標槍尾追及之道誠救父情切用力奮擊匪不能敵急呼其類助戰有執快槍者遂將道誠斃命其兄乘間得奉父逸去